



6. Tschanteda da la suprastanza cumünela in marculli, ils 27.3.2019 a las 19.00 in chesa cumünela S-chanf

Presidi: Gian Fadri Largiadèr

Preschaints: Paolo Bernasconi, Liun Quadri, Roman Parli, Mario Mammoliti

Suppleant: Linard Luzi

Absaints:

Actuar: Gian Luca Vitalini

Tractandas:

1. Protocol
2. 0.211 Dumandas da fabrica
3. 3.400 Examens da chauns a Ciunos-chel
4. 0.110 Reglamaint davart las contribuziuns per cultura, sport, arrandschamaints e societeds
5. 3.500 Iniziativa reguard la pista da schlisuler Alp Griatschouls
6. 9.999 Varia

Protocol da decisiun

La glista da tractandas vain approveda sainza objecziuns.

Protocol: Il protocol da la tschanteda dals 13 marz 2019 vain approvu unanimamaing.

49 0.211 Dumanda da fabrica Indriz da trattamaint per gerra mobila

La suprastanza cumünela decida unanimamaing da der il permiss da fabrica per l'indriz da trattamaint per gerra mobila sün parcella 753 (Bos-chetta Plauna) cun resalvas.

50 3.400 Sport Examens da chauns a Cinuos-chel

Scu già l'an 2018 vuless il club da Retriver svizzer exeguir ils examens d'apporter ils quatter fin ils tschintsch da meg 2019 a Cinuos-chel. Danövmaing cumainzan ils examens davent dal Hotel Veduta. L'areal pels examens dess gnir schlargio fin tal Plaun Bel.

La suprastanza cumünela decida unanimamaing da der il permiss al club da Retriver svizzer per pudair fer ils examens scu l'an passo e da schlarger l'areal fin tal Plaun Bel. Culs possessurs da terrain privat haun ils organisatuors da s'abiner sves.

51 0.110 Legislativa

Reglamaint davart las contribuziuns per cultura, sport, arrandschamaints e societeds

l'1 an 2017 ho relascho la suprastanza cumünela il reglamaint davart las contribuziuns per cultura, sport, arrandschamaints e societeds. Zieva duos ans avoir fat adöver da quist reglamaint e cun granda part fich bunas experienzas sun gnidas inoltredas diversas propostas da müdamaints da societeds e persunas privatas. Üna revaisa parziela dal reglamaint vain suottamiss a la suprastanza cumünela.

La suprastanza cumünela decida unanimamaing d'approver il reglamaint. L'entreda in vigur es retroactiv süls 01. schner 2019.

52 3.500 Otr occupaziun i'l temp liber Iniziativa regard la pista da schlisuler Alp Griatschouls

Ils 10 schner 2019 es entreda ün'iniziativa regard la pista da schlisuler vers l'Alp Griatschouls. L'iniziant da quist'iniziativa pretenda seguaint in sieu iniziativa: La via da Griatschouls dess gnir prepareda scu pista eir in avegnir per ir culla schlitta ed ir a spass düraunt l'inviern. Eir dess gnir pussibilto da trer sü las schlittas cul «Quad» (töf da 4 roudas) fin tal'alp. Impü dess eir rester las pussibilitad da gestir üna pitschna ustaria sün alp scu fin cò. La vschinauncha da S-chanf dess pajer vi da quista spüerta 6'000.—frs. l'an.

La suprastanza cumünela giavüscha dal depüto da turissem auncha püss sclarimaints e decida da spuster quista tractanda sülla prosma tschanteda da la suprastanza cumünela.

53 9.999 Varia

La suprastanza cumünela piglia cugnuschentscha:

Charta da la regiun Malögia regard la marca «Engadin» in connex culla pagina d'internet chi nun es aunch'adüna na online.

Disposiziun da l'uffizi da contrucziun bassa dal chantun Grischun regard la reclama sur da la votaziun ils 19 meg 2019 «aboliziun da la tschatsch'extra»

Charta da las OEE regard scriver d'infurmaziun als proprietaris da terrain in connex cul fabricat nouv da la lingia 110-/16-kV Pradella – Zernezz – Bever.

Il president spiega sur da la situaziun da la fundaziun Chapella e sur dal proget da la chesa Gredig e las sanaziuns chi d'eiran necessarias in quist connex. I sun aunch'adüna da fer diversas lavuors necessarias da sanaziun. Il president spiega eir, cha la situaziun finanziela da la fundaziun nu es fich positiva.

La cumischiun da gestiun ho piglio sü contact cul chanzlist e'l vicepresidente per pudair fer üna tschanteda cumünaivla. Il termin d'eira previs pels 27 marz 2019 aunz la tschanteda da la suprastanza. Quist termin ho sutvieu gnir spusto causa cha la suprastanza ho gieu ün discuors culla direcziun da l'ESTM. Il termin culla cumischiun da gestiun ho lö aunz la prosma tschanteda da la suprastanza cumünela ils 10 avrigl 2019 a las uras 18.45.

A las 21.10 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini